



SLUŽBENE NOVINE OPĆINE ZENICA

GODINA XL
Broj 6

Ponedjeljak 24.11.2014. godine

ISSN 1840-4588

VIJEĆE OPĆINE

71.

Na osnovu člana 9. Zakona o Gradu Zenica („Službene novine F BiH“, br. 80/14), Vijeće Općine Zenica, na 22. sjednici održanoj dana 20. novembra 2014. godine, donijelo je

PRIVREMENU STATUTARNU ODLUKU GRADA ZENICA

I – OPĆE ODREDBE

Član 1.

(predmet Odluke)

Ovom Statutarnom odlukom u skladu sa Zakonom o Gradu Zenica („Službene novine F BiH“, br. 80/14), uređuje se uspostava organizacija i funkcionisanje Grada Zenica u periodu do donošenja Statuta Grada, te druga pitanja.

Član 2.

(pravni status)

(1) Grad Zenica je jedinica lokalne samouprave sa pravima i obavezama utvrđenim ustavom i Zakonom.

(2) Grad Zenica je pravno lice.

II – STATUSNA OBILJEŽJA GRADA

Član 3.

(Naziv i sjedište Grada)

(1) Naziv Grada je: Grad Zenica (u daljem tekstu: Grad).

(2) Sjedište Grada je: Zenica, Trg Bosne i Hercegovine br. 6.

Član 4.

(teritorija Grada)

Teritoriju Grada Zenica čine sva naseljena mjesta, koja se prema evidenciji Federalnog zavoda za statistiku nalaze u okviru područja Općine Zenica na dan stupanja na snagu Zakona o Gradu Zenica.

Član 5.

(Grb i zastava Grada)

(1) Grad ima grb i zastavu.

(2) Grb je četvrtasto polje s polukružnom osnovom uokvireno dvijema linijama čiji su debljina i među prostor jednaki.

Grb sadrži šest elemenata koji su prikazani linijama crne boje iste debljine. Lijevom stranom, prateći okvir polja grba, proteže se kontura rijeke Bosne, koju u donjem dijelu sijeku dvije horizontalne linije – simbol komunikacije. U preostalom dijelu polja grba prikazana su četiri simbola kružne forme koji predstavljaju (s lijeva na desno odozgo prema dolje): simbol Vranduka – sjeverne kapije grada i općine, jedan od šest križeva sa ploče Kulin-bana, ujedno i simbol kršanstva, polumjesec – simbol islama i turskog perioda i ukršteni čekići – simbol rudarstva i teške industrije, indirektno i simbol austro-ugarskog perioda.

Polje grba je obojeno žutom i zelenom bojom. Žuta boja pokriva polje do nivoa gornja dva kružna elementa, a zelena boja preostali dio polja. Polumjesec u donjem dijelu je takođe ispunjen žuto. Kontura rijeke je bijela.

(3) Zastava Grada Zenica je bijele boje. Odnos širine i dužine zastave je: 1:2 Zastava se u svim varijantama koristi u uspravnom položaju.

Na sredini zastave nalazi se grb položen uspravno po dužini zastave. Širina grba zauzima 2/3 širine zastave.

(4) Uslovi i način upotrebe grba i zastave Grada Zenica propisuju se posebnom odlukom Gradskog vijeća.

Član 6.
(pečat)

Gradsko vijeće, Gradonačelnik i Gradske službe imaju pečat.

Pečat je okruglog oblika i sadrži ispisan latinicom u koncentričnim krugovima, slijedeći tekst:

Bosna i Hercegovina

Federacija Bosne i Hercegovine

Zeničko-dobojski kanton

Grad Zenica

te naziv organa (Gradsko vijeće ili Gradonačelnik), odnosno službe, ispisan vodoravno.

III – ORGANI GRADA**Član 7.**
(opća odredba)

Organi Grada su:

1. Gradsko vijeće,
2. Gradonačelnik

Član 8.

(1) Ovlaštenja i obaveze koje proizilaze iz samoupravnog djelokruga Grada podijeljene su između Gradskog vijeća kao predstavničkog organa i Gradonačelnika kao izvršnog organa.

(2) Ako zakonom nije određeno koji je organ nadležan za obavljanje poslova iz samoupravnog djelokruga Grada, svi poslovi i zadaci koji se odnose na uređivanje odnosa iz samoupravnog djelokruga Grada (normativne naravi) u nadležnosti su Gradskog vijeća, a izvršni poslovi i zadaci u nadležnosti su Gradonačelnika.

(3) Ako se radi o izvršnim poslovima, a nije određena nadležnost za njihovo obavljanje, nadležna je služba za upravu, druga institucija ili tijelo uprave, koje ovlasti Gradonačelnik.

1. Gradsko vijeće**Član 9.**
(mjesto i uloga)

(1) Gradsko vijeće je predstavnički organ građana i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom.

(2) Gradsko vijeće donosi opće akte i druge akte u okviru samoupravnog djelokruga Grada te obavlja druge poslove u skladu sa ustavom, zakonom i Statutom Grada, Gradsko vijeće ima 31 vijećnika.

(3) Sastav Gradskog vijeća treba da odražava sastav stanovništva Grada prema posljednjem popisu s tim što se pripadnicima manjina obezbjeđuje jedno mjesto u Vijeću.

(4) Ukoliko se ne može izvršiti dodjela mandata pripadnicima nacionalnih manjina na osnovu izbornih rezultata taj mandat ostaje upražnjen.

Član 10.
(nadležnosti)

Gradsko vijeće u okviru svoje nadležnosti:

1. donosi Statut Grada dvotrećinskom većinom glasova;
2. donosi odluke i druge opće akte kojima se uređuju pitanja iz samoupravnog djelokruga Grada;
3. donosi budžet Grada, godišnji izvještaj o izvršenju budžeta kao i odluku o privremenom finansiranju u skladu sa zakonom;
4. utvrđuje gradsku politiku u okviru nadležnosti i prati njeno ostvarivanje;
5. donosi razvojne, prostorne i urbanističke planove i programe, te provedbene planove, uključujući zoniranje;
6. donosi propise o porezima, taksama, naknadama i doprinosima u skladu sa Zakonom;
7. donosi odluke o upravljanju i raspolaganju imovinom Grada;
8. donosi odluke o zaduživanju Grada, o raspisivanju javnog zajma i davanju jamstva u skladu sa zakonom;
9. donosi programe uređenja gradskog građevinskog zemljišta;
10. donosi plan korištenja javnih površina;
11. donosi odluke o organizaciji mjesne samouprave i nazivima ulica, trgova i naseljenih mjesta;
12. donosi odluke o udruživanju Grada u saveze i druge oblike organizovanja, te o trajnom uspostavljanju prijateljske i druge suranije s lokalnim i regionalnim zajednicama drugih država;
13. donosi odluke o proglašenju praznika Grada,
14. donosi odluke o priznanjima i nagradama Grada,
15. donosi odluke o raspisivanju referendumu i sazivanju zborova mjesnih zajednica;
16. bira i razrješava predsjedavajućeg i zamjenika predsjedavajućeg Gradskog vijeća;

17. osniva radna tijela Gradskog vijeća te bira i razrješava njihove članove;

18. imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješavanja kada je to propisano;

19. osniva preduzeća i ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama u skladu sa zakonom;

20. odlučuje o prestanku ustanova i drugih pravnih lica u skladu sa zakonom;

21. odlučuje o prijenosu i preuzimanju osnivačkih prava u skladu sa Statutom;

22. razmatra godišnji izvještaj o provođenju gradske politike i aktivnostima Gradonačelnika;

23. pokreće i razmatra Inicijativu za pokretanje postupka opoziva Gradonačelnika i donosi odluku o pokretanju postupka opoziva Gradonačelnika;

24. ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, najmanje jednom godišnje, te osigurava finansijska sredstva za unapređenje njihovog rada i kvaliteta usluga u skladu sa potrebama stanovništva i mogućnostima Grada;

25. donosi pojedinačne i druge akte iz samoupravnog djelokruga Grada u skladu sa zakonom i Statutom;

26. analizira stanje javnog reda i mira, sigurnost ljudi i imovine najmanje jednom godišnje, te predlaže mjere prema nadležnim organima;

27. utvrđuje smjernice za vođenje kadrovske politike u skladu sa zakonom;

28. donosi Poslovnik o svome radu;

29. utvrđuje koeficijente za obračun plaća za Gradonačelnika, imenovana lica, državne službenike i namještenike;

30. obavlja i druge poslove utvrđene zakonom i Statutom Grada.

2. Gradonačelnik

Član 11.

(mjesto i uloga)

(1) Gradonačelnik je nosilac izvršne vlasti Grada.

(2) Gradonačelnik se bira neposredno na način i po postupku utvrđenim Zakonom o izboru, prestanku mandata, opozivu i zamjeni načelnika općina u Federaciji Bosne i Hercegovine („Službene novine F BiH“, br. 19/08).

Član 12.

(nadležnosti)

Gradonačelnik kao nosilac izvršne vlasti u okviru samoupravnog djelokruga Grada:

1. predstavlja i zastupa Grad;

2. osigurava izvršavanje odluka i drugih akata Gradskog vijeća i odgovoran je za njihovo provođenje;

3. podnosi prijedlog budžeta Grada Gradskom vijeću;

4. odgovoran je za izvršavanje budžeta Grada;

5. obavlja upravljački nadzor nad zakonitošću rada javnih ustanova i preduzeća kojim je osnivač Grad, te im daje smjernice za rad;

6. donosi akte iz svoje nadležnosti;

7. predlaže odluke i druge akte Gradskom vijeću,

8. obezbjeđuje izradu i Gradskom vijeću podnosi na usvajanje razvojne planove, investicione programe, prostorne i urbanističke planove i ostale planske i regulatorne dokumente koji se odnose na korištenje i upravljanje zemljištem uključujući zoniranje i korištenje javnog zemljišta;

9. provodi politiku Grada u skladu sa odlukama Gradskog vijeća;

10. izvršava zakone i druge propise čije je izvršavanje povjereno Gradu,

11. utvrđuje organizaciju Službi za upravu i drugih službi Grada;

12. donosi Pravilnik o unutrašnjoj organizaciji Gradskih službi;

13. realizira saradnju Grada sa općinama, gradovima, međunarodnim i drugim organizacijama u skladu sa odlukama i zaključcima Gradskog vijeća,

14. podnosi izvještaj Gradskom vijeću o ostvarivanju politike Grada i svojim aktivnostima;

15. odlučuje o pitanjima iz radnog odnosa državnih službenika i namještenika u skladu sa zakonom,

16. brine se o zakonitom i pravodobnom obavljanju poslova iz nadležnosti Gradskih službi i poduzima mjere za osiguravanje njihovog efikasnijeg rada,

17. sklapa ugovore i druge pravne poslove u skladu sa zakonom, Statutom i odlukama Gradskog vijeća,

18. brine se o urednom i pravilnom korištenju imovine i sredstava grada,

19. obavlja i druge poslove utvrđene Zakonom, drugim propisima i Statutom Grada.

IV – PRAVNO SLJEDNIŠTVO

Član 13.

(1) Grad Zenica je pravni sljednik Općine Zenica i ima Ustavom i zakonom određene nadležnosti Grada.

(2) Grad Zenica preuzima nadležnosti, prava, obaveze i imovinu Općine Zenica.

(3) Vijećnici u Vijeću Općine Zenica i Načelnik Općine Zenica, izabrani na Općinskim izborima održanim 07. oktobra 2012. godine, nastavljaju sa radom kao vijećnici u Gradskom vijeću i Gradonačelnik Zenice.

(4) Općinske službe za upravu, stručne i druge službe, tijela uprave i institucije nastavljaju sa radom kao službe, tijela i institucije Grada Zenice.

(5) Javna preduzeća i javne ustanove, čiji je osnivač Općina Zenica nastavljaju sa radom kao javna preduzeća i ustanove Grada Zenice.

V – PRELAZNE I ZAVRŠNE ODREDBE

Član 14.

(važenje propisa)

Odredbe Statuta Općine Zenica („Službene novine Općine Zenica“, br. 4/08) i ostali općinski propisi ostaju na snazi ukoliko nisu u suprotnosti sa ovom Statutarnom odlukom.

Član 15.

(stupanje na snagu)

Ova Statutarna odluka stupa na snagu danom objavljivanja u „Službenim novinama Općine Zenica“.

Broj: 01-01-2057/14

Zenica, 20.11.2014. godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r

72.

Na osnovu člana 22. Statuta Općine Zenica („Službene novine Općine Zenica“ broj: 4/08) i člana 51. Odluke o građevinskom zemljištu Općine Zenica („Službene novine Općine Zenica“ broj: 4/07-prečišćen tekst) Vijeće Općine Zenica, na prijedlog Uprave za imovinsko pravne, geodetske poslove i katastar nekretnina, na svojoj 22. sjednici održanoj dana 20. novembra 2014. godine, donijelo je

RJEŠENJE

o pretvaranju dijela javne površine u građevinsko zemljište

1. Odobrava se pretvaranje dijela javne površine, koja predstavlja sastavni dio parcele označene kao:

- k.č. (n.p.) 167/4 zv. Crkvice, pašnjak, upisana kao posjed Općine Zenica sa 1/1 dijela u p.l.-u 247 k.o. Zenica III, u građevinsko zemljište površine 9 m² i njeno pripajanje parceli, koja pripada već izgrađenom objektu koji se nalazi u ul. Crkvice br. 42, u Zenici, izgrađenom na parceli označenoj kao

-k.č. (n.p.) 521 zv. Crkvice, poslovna zgrada u privredi, upisana u p.l. 247 k.o. Zenica III, što po s.p. odgovara k.č. 39/3 zv. Dvorište i Društveni dom, poslovna zgrada u privredi i dvorište, upisana u zk. ul. 843 k.o. Crkvice.

2. Ovim Rješenjem dozvoljava se promjena oblika i površine gradskog građevinskog zemljišta u k.o. Zenica III po n.p., odnosno u k.o. Crkvice po s.p., a na parcelama označenim u tački 1 dispozitiva ovog rješenja.

3. Uprava za imovinsko-pravne, geodetske poslove i katastar nekretnina će nakon stupanja na snagu ovog rješenja i dostavljenog prijavnog lista "B" br. 12/14 u katastarskom operatu provesti utvrđene promjene, kako bi se površina parcele k.č. (n.p.) 167/4 zv. Crkvice p.l. 247 k.o. Zenica III, umanjila za površinu od 9 m², a površina parcele k.č. (n.p.) 521zv. Crkvice, k.o. Zenica III uvećala za 9 m².

4. Zemljišno knjižni ured Općinskog suda u Zenici će nakon stupanja na snagu ovog rješenja i dostavljanja prijavnog lista "A" br. 12/14.g. provesti utvrđene promjene, kako bi se površina na uplanjenom objektu izgrađenom na parceli označenoj kao k.č. br. 39/3 poslovna zgrada u privredi-društveni dom i dvorište, upisana u zk. ul. 843 k.o. Crkvice, uvećala za 9 m².

5. Rješenje stupa na snagu danom donošenja, a objavit će se u „Službenim novinama Općine Zenica“.

O b r a z l o ž e n j e

Uprava za imovinsko pravne, geodetske poslove i katastar nekretnina dostavila je Vijeću Općine Zenica prijedlog za donošenje rješenja o pretvaranju dijela javne površine u građevinsko zemljište na način kako je to utvrđeno dispozitivom ovog rješenja, uz napomenu da je prethodno Služba za prostorno uređenje donijela rješenje o urbanističkoj saglasnosti broj: 06-23-3868/13 od 23.05.2014. godine, kojim je podnosiocu zahtjeva Stomatološka ordinacije»Dr. Muhamed Kaknjo» iz Zenice, a prema utvrđenim urbanističko tehničkim uslovima data mogućnost proširenja poslovnog prostora koji se nalazi u stambeno poslovnom objektu lociranom na parceli k.č. (n.p.) 521 upisana u p.l. 247 k.o Zenica III, što po s.p. odgovara k.č. 39/23 k.o.Crkvice, u ukupnoj površini od 8,35 m².

Članom 5. Odluke o građevinskom zemljištu propisano je da Odluku o pretvaranju dijela javne površine u građevinsko zemljište, koje se pripaja zemljištu za redovnu upotrebu već izgrađenog objekta donosi Vijeće Općine, a stavom 2. istog člana propisano je da Ugovor sa investitorom zaključuje Načelnik Općine.

S obzirom na to da predmetno proširenje podrazumijeva zauzimanje i dijela javne površine koji je sastavni dio parcele opisane u tački 1. dispozitiva i koja se nalazi neposredno uz stambeno poslovni objekat u ul. Crkvice br. 42. u Zenici, to je od Vijeća Općine, a shodno odredbama člana 51. Odluke o građevinskom zemljištu Općine Zenica zatraženo pretvaranje tog dijela javne površine u građevinsko zemljište i pripajanje istog parceli postojećeg objekta, s tim što je zbog tehničke nemogućnosti provođenja decimalnih površina zemljišta u javnim knjigama predloženo zaokruživanje iste na 9 m².

Radi stvaranja uslova za zaključivanje Ugovora sa podnosiocem zahtjeva za proširenje poslovnog prostora, a polazeći od odredaba člana 49. i 51. Stav 2. Odluke o građevinskom zemljištu Općine Zenica, predloženo je donošenje ovog rješenja.

Cijeneći dostavljeni prijedlog opravdanim i u cjelosti usaglašenim s Odlukom o građevinskom zemljištu odlučeno je kao u izreci ovog rješenja.

Broj: 01-23-20755/14

Zenica, 20.11.2014.godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r

NAČELNIK OPĆINE

73.

Na osnovu člana 158. Odluke o komunalnom redu („Službene novine općine Zenica“ broj : 7 /11 – prečišćen tekst) i člana 36. tačka 6. Statuta općine Zenica („Službene novine općine Zenica“, broj : 4/08), Načelnik općine Zenica donosi

N A R E D B U**o provođenju obavezne preventivne sistematske deratizacije na području općine Zenica – jesenja faza 2014.godine****I**

Obavezna preventivna sistematska deratizacija na području općine Zenica – jesenja faza 2014.godine, provest će se u periodu od 10. 11. do 19.11.2014. godine.

II

Obaveznu preventivnu sistematsku deratizaciju će organizovati i sprovesti Kantonalni zavod za javno zdravlje Zenica uz stručni nadzor Higijensko-epidemiološke službe « JU Dom zdravlja »Zenica.

III

Obaveznom preventivnom sistematskom deratizacijom će biti obuhvaćeni slijedeći objekti i površine :

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotoka u gradskim i prigradskim zonama,
3. Centralne deponije kao i nezvanična (neorganizovana) smetlišta u gradskim naseljima,
4. Vaspitno – obrazovni i kulturni objekti i njihovi prostori ,
5. Kolektivni centri za smještaj i boravak izbjeglih i prognanih lica ,
6. Objekti javnih zdravstvenih ustanova ,
7. Javne ustanove administrativnog karaktera ,
8. Individualne stambene zgrade u privatnom vlasništvu u užim zonama gradskih naselja ,
9. Vjerski objekti i groblja u gradskim naseljima ,
10. Kanalizacione mreže sa šahtovima i izlivnim kolektorima,

11. Objekti i površine javnih preduzeća i organizacija i svih fizičkih, pravnih i ostalih lica

uključujući sve uslužne djelatnosti ,

12. Stacionirani objekti i sredstva javnog saobraćaja ,

13. Objekti za proizvodnju i promet živežnih namirnica i predmeta opće upotrebe (korisnici i vlasnici istih) ,

14. Objekti za pružanje usluga javne higijene i

15. Zajednički prostori stambenih zgrada (podrumi i tavana).

IV

Troškove obavezne preventivne sistematske deratizacije pod rednim brojem 1. do 9. snose Kanton i Općina Zenica iz svojih budžeta, a troškove pod rednim brojem 10., 11.,12.,13.,14. i 15. snose subjekti koji njima upravljaju.

V

Subjekti koji podliježu provođenju obavezne preventivne sistematske deratizacije dužni su obezbijediti nesmetan rad izvođačima bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije. U protivnom će biti sankcionisani prema važećim propisima.

VI

Kontrolu izvođenja akcije obavezne preventivne sistematske deratizacije na području općine Zenica će provoditi općinski sanitarni inspektor – Gutošić Rabija.

VII

Naredba stupa na snagu danom donošenja, a objaviće se u „Službenim novinama općine Zenica“ i putem sredstava informisanja.

Broj: 02-14-19496/14

Zenica, 03.11.2014. godine

NAČELNIK OPĆINE

Husejin Smajlović, s.r

74.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj: 34/03) i člana 36. i 117. Statuta općine Zenica («Službene novine općine Zenica», broj 4/08), Načelnik općine Zenica donosi

RJEŠENJE

o imenovanju direktorice JU „Dom za stara lica“ Zenica

I

NIDŽARA HALILOVIĆ-ČUSTOVIĆ, VSS, profesorica, iz Zenice, imenuje se za direktoricu Javne ustanove „Dom za stara lica“ Zenica.

II

Ovo rješenje stupa na snagu danom donošenja, a objavit će se u „Službenim novinama Federacije BiH“ i „Službenim novinama općine Zenica“.

Broj: 02-49-19540/14

Zenica, 31.10.2014. godine

NAČELNIK OPĆINE

Husejin Smajlović, s.r

75.

Na osnovu člana 10. tačka 4. Zakona o udruženjima i fondacijama («Službene novine FBiH», broj:45/02 i člana 36. tačka 19. Statuta općine Zenica («Službene novine općine Zenica», broj 4/08), Načelnik općine Zenica, donosi

ZAKLJUČAK

o odobravanju unošenja naziva općine Zenica u naziv udruženja

I

Udruženju “Ogranak Matice Hrvatske Zenica” iz Zenice odobrava se korištenje i unošenje u naziv udruženja naziv općine “Zenica”.

II

Ovaj zaključak stupa na snagu danom donošenja, a objavit će se u "Službenim novinama općine Zenica".

Broj: 02-49-19277/14

Zenica, 30.10.2014. godine

NAČELNIK OPĆINE

Husejin Smajlović, s.r

76.

Na osnovu člana 59. Zakona o budžetima u FBiH ("Službene novine FBiH" broj: 102/13, 9/14 i 13/14), člana 24. Odluke o izvršavanju budžeta Općine Zenica za 2014. godinu ("Službene novine općine Zenica" broj 2/14 i 5/14) i Uputstva Općine Zenica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na zahtjev Službe za društvene djelatnosti I socijalnu zaštitu, Načelnik općine Zenica donosi

ZAKLJUČAK**o preraspodjeli sredstava u Budžetu općine Zenica za 2014. godinu****I**

Odobrava se preraspodjela sredstava Budžeta općine Zenica za 2014. Godinu ("Službene novine općine Zenica" broj: 2/14 i 5/14), na organizacionom kodu 18010001 – Službe za društvene djelatnosti i socijalnu zaštitu.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 821200, funkcija 0892, budžetska pozicija 172 - "Izgradnja i uređenje igrališta i sportskih terena" za iznos od 500,00 KM.

Povećava se:

- ekonomski kod 821500, funkcija 0892, budžetska pozicija 173B - "Učešće Općine u sufinansiranju izgradnje rasvjete stadiona na Kamberovića polju" za iznos od 500,00 KM.

III

Za realizaciju ovog Zaključka zadužuju se Služba za društvene djelatnosti i socijalnu zaštitu i Služba za budžet i finansije.

IV

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-18982/14

Zenica, 20.10.2014. godine

NAČELNIK OPĆINE

Husejin Smajlović, s.r

77.

Na osnovu člana 59. Zakona o budžetima u FBiH ("Službene novine FBiH" broj: 102/13, 9/14 i 13/14), člana 24. Odluke o izvršavanju budžeta Općine Zenica za 2014. godinu ("Službene novine općine Zenica" broj 2/14 i 5/14) i Uputstva Općine Zenica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na zahtjev Službe za društvene djelatnosti I socijalnu zaštitu, Načelnik općine Zenica donosi

ZAKLJUČAK**o preraspodjeli sredstava u Budžetu općine Zenica za 2014. godinu****I**

Odobrava se preraspodjela sredstava Budžeta općine Zenica za 2014. Godinu ("Službene novine općine Zenica" broj: 2/14 i 5/14), na organizacionom kodu 18010001 – Službe za društvene djelatnosti i socijalnu zaštitu.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 614200, funkcija 0611, budžetska pozicija 139 - "Tekući transferi pojedincima (gradska kuhinja, alternativni

smještaj, pomoć za liječenje, školovanje i dr.)
“ za iznos od 10.000,00 KM.

II

Preraspodjela sredstava iz tačke I vrši se na sljedeći način:

Povećava se:

- ekonomski kod 614300, funkcija 0811, budžetska pozicija 143 - “Tekući transferi za sport” za iznos od 10.000,00 KM.

III

Za realizaciju ovog Zaključka zadužuju se Služba za društvene djelatnosti i socijalnu zaštitu i Služba za budžet i finansije.

IV

Ovaj Zaključak stupa na snagu danom donošenja, a objavit će se u “Službenim novinama općine Zenica”.

Broj: 02- 14-19831/14

Zenica, 10.11.2014.godine

NAČELNIK OPĆINE

Husejin Smajlović, s.r

78.

Na osnovu člana 59. Zakona o budžetima u FBiH (“Službene novine FBiH” broj: 102/13, 9/14 i 13/14), člana 24. Odluke o izvršavanju budžeta Općine Zenica za 2014. godinu (“Službene novine općine Zenica” broj 02/14) i Odluke o izmjenama i dopunama Odluke o izvršavanju Budžeta općine Zenica za 2014. godinu, broj: 01-01-17736/14-1 od 25.09.2014. godine, te Uputstva Općine Zenica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na zahtjev Službe za komunalne poslove i ekologiju, Načelnik općine Zenica donosi

ZAKLJUČAK**o preraspodjeli sredstava u Budžetu općine Zenica za 2014. godinu****I**

Odobrava se preraspodjela sredstava Budžeta općine Zenica za 2014. godinu na organizacionom kodu 16010001 – Služba za komunalne poslove i ekologiju.

Umanjuje se:

- ekonomski kod 613700, budžetska pozicija 91 - “Izdaci za tekuće održavanje – javna rasvjeta i signalizacija “ za iznos od 8.500,00 KM.

Povećava se:

- ekonomski kod 613300, budžetska pozicija 87 - “Održavanje kišne kanalizacije “ u iznosu od 8.500,00 KM.

III

Za realizaciju ovog Zaključka zadužuju se Služba za komunalne poslove i ekologiju i Služba za budžet i finansije.

IV

Ovaj Zaključak stupa na snagu danom donošenja, a objavit će se u “Službenim novinama općine Zenica”.

Broj: 02-14-18525/14

Zenica, 03.10.2014. godine

NAČELNIK OPĆINE

Husejin Smajlović, s.r.

79.

Na osnovu člana 59. Zakona o budžetima u FBiH (“Službene novine FBiH” broj: 102/13, 9/14 i 13/14), člana 24. Odluke o izvršavanju budžeta Općine Zenica za 2014. godinu (“Službene novine općine Zenica” broj: 2/14 i 5/14) i Uputstva Općine Zenica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na zahtjev Stručne službe Vijeća i Načelnika, Načelnik općine Zenica donosi

ZAKLJUČAK**o preraspodjeli sredstava u Budžetu općine Zenica za 2014. godinu****I**

Odobrava se preraspodjela sredstava Budžeta općine Zenica za 2014. godinu (“Službene novine općine Zenica” broj: 2/14 i 5/14) na organizacionom kodu 20010001 – Stručna služba Vijeća i Načelnika.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613600, funkcija 0111, budžetska pozicija 222 - "Unajmljivanje imovine, opreme i nematerijalne imovine" za iznos od 1.200,00 KM i
- ekonomski kod 613900, funkcija 0111, budžetska pozicija 224 - "Ugovorene i druge posebne usluge" za iznos od 600,00 KM.

Povećava se:

- ekonomski kod 613400, funkcija 0111 budžetska pozicija 221 - "Nabavka materijala i sitnog inventara" za iznos od 1.200,00 KM i
- ekonomski kod 613700, funkcija 0111, budžetska pozicija 223 - "Izdaci za tekuće održavanje" za iznos od 600,00 KM.

III

Za realizaciju ovog Zaključka zadužuju se Stručna služba Vijeća i Načelnika i Služba za budžet i finansije.

IV

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-19787/14

Zenica, 10.11.2014

NAČELNIK OPĆINE

Husejin Smajlović, s.r.

80.

Na osnovu člana 59. Zakona o budžetima u FBiH ("Službene novine FBiH" broj: 102/13, 9/14 i 13/14), člana 24. Odluke o izvršavanju budžeta Općine Zenica za 2014. godinu ("Službene novine općine Zenica" broj: 2/14 i 5/14) i Uputstva Općine Zenica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na zahtjev Služba za inspekcijske poslove, Načelnik općine Zenica donosi

ZAKLJUČAK**o preraspodjeli sredstava u Budžetu općine Zenica za 2014. godinu****I**

Odobrava se preraspodjela sredstava Budžeta općine Zenica za 2014. godinu ("Službene novine općine Zenica" broj: 2/14 i 5/14) na organizacionom kodu 23010001 – Služba za inspekcijske poslove.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613900, funkcija 0111 budžetska pozicija 261 - "Ugovorene usluge i druge posebne usluge" za iznos od 1000,00 KM .

Povećava se:

- ekonomski kod 613700, funkcija 0111, budžetska pozicija 260 - "Izdaci za tekuće održavanje" za iznos od 1000,00 KM .

III

Za realizaciju ovog Zaključka zadužuju se Služba za inspekcijske poslove i Služba za budžet i finansije.

IV

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-19069/14

Zenica, 29.10.2014.g.

NAČELNIK OPĆINE

Husejin Smajlović, s.r.

81.

Na osnovu člana 59 Zakona o budžetima u F BiH „Službene novine FBiH broj: 102/13, 9/14 i 13/14, člana 24. Odluke o izvršavanju budžeta Općine Zenica za 2014. godinu („Službene novine općine Zenica“ broj 2/14) i Upustva Općine Zenica o prestrukturiranju i preraspodjeli i preraspodjeli odobrenih budžetskih sredstava, broj: 02-14-20277/13 od 13.11.2013.godine, na zahtjev Službe za opću upravu i stambene poslove, Načelnik općine Zenica donosi:

ZAKLJUČAK

o preraspodjeli sredstava u Budžetu općine Zenica za 2014.godine

I

Odobrava se preraspodjela sredstava Budžeta općine Zenica za 2014. godinu na organizacionom kodu 17010001 – Služba za opću upravu i stambene poslove.

II

Preraspodjela sredstava iz tačke I vrši se na slijedeći način:

Umanjuje se:

- ekonomski kod 613900, budžetska pozicija – 123 „Ugovorene i druge posebne usluge“ za iznos od 500,00 KM i

Formira se nova budžetska pozicija:

- ekonomski kod 613500, budžetska pozicija -121A „Izdaci za usluge prijevoza i goriva“ u iznosu od 500,00 KM.

III

Za realizaciju ovog Zaključka zadužuje se Služba za opću upravu i stambene poslove i Služba za budžet i finansije.

IV

Ovaj Zaključak stupa na snagu danom donošenja, a objavit će se u „Službenim novinama općine Zenica“.

Broj: 02-14-16147/14

Zenica, 26.08.2014. .god.

NAČELNIK OPĆINE

Husejin Smajlović, s.r.

SADRŽAJ

VIJEĆE OPĆINE

71. Privremena statutarna odluka grada Zenica	1
72. Rješenje o pretvaranju dijela javne površine u građevinsko zemljište	4

NAČELNIK OPĆINE

73. Naredba o provođenju obavezne preventivne sistematske deratizacije na području općine Zenica - jesenja faza 2014. god.....	5
74. Rješenje o imenovanju direktorice JU "Dom za stara lica" Zenica	6
75. Zaključak o odobravanju unošenja naziva općine Zenica u naziv udruženja	6
76. Zaključak o preraspodjeli sredstava u Budžetu općine Zenica za 2014. godinu	7
77. Zaključak o preraspodjeli sredstava u Budžetu općine Zenica za 2014. godinu.....	7
78. Zaključak o preraspodjeli sredstava u Budžetu općine Zenica za 2014. godinu	8
79. Zaključak o preraspodjeli sredstava u Budžetu općine Zenica za 2014. godinu.....	8
80. Zaključak o preraspodjeli sredstava u Budžetu općine Zenica za 2014. godinu	9
81. Zaključak o preraspodjeli sredstava u Budžetu općine Zenica za 2014. godinu.....	10